



UPA2020/Imm. 168
19. maj 2020

Aqqa Samuelson

Uunga siunnersuut: Inatsisartut Naalakkersuisullu pillugit Inatsisartut inatsisaata allanngortinneqarneranik Inatsisartut inatsisaat, nr. xx, uu. qqqq 2020-meersoq

(Naalakkersuisunut apeqqutit)

(Inatsisartut Siulittaasoqarfiat).

Inuit Ataqatigiit Inatsisartut Siulittaasoqarfiata Inatsisartut Suleriaasiannut allannguutissatut siunnersuutaanut Inuit Ataqatigiit qujapput.

Inatsisartunut ilaasortaavugut inuiaqatigiit ataatsimut isigalugit sullissisussaannermik pisussaaffeqarluta. Inuiaqatigiit ataatsimut isigalugit ammasumik nunatta naalackersuinikkut aqunneqarnera pillugu pissutsinut isummersornissamut Naalakkersuisunut apeqquteqarsinnaanissarput pinngitsoorneqarsinnaanngilaq.

Qinikkatut ataasiakkaatut, partiitut, aammalu Ataatsimiititaliani inuiaqatigiit kiffartuunneqarneranut tunngatillugu paasissutissanik pissarsiniarnermi Naalakkersuisunut apeqquteqaateqarsinnaaneq atorluarneqartarpoq. Inuiaqatigiit kiffartuunneqarnerini pisortat suliassaataat pillugu paasissutissat, Naalakkersuisunut apeqquteqaatit akissutaallu erseqqissuunissat pisariaqarpoq. Pisortat suliassaataat pillugit Naalakkersuisunut apeqquteqaatit akissutaallu qinikkatut inuiaqatigiinnut kiffartuusseqataanitsinni nunatta naalackersuinikkut aqunneqarnera pillugu isummersornissamut aallaavittut atorneqakkajuttarput. Inuiaqatigiit kiffartuunneranni nunatta naalackersuinikkut aqunneqarnera pillugu isummersorsinnaanerput, apeqquteqarsinnaanerput tunngavilersorsinnaanerpullu killilersorneqarsinnaanngitsoq Inuit Ataqatigiit isumaqarput. Naalakkersuisunut apeqquteqaatit akissutaallu unneqqarissumik ammasumillu inuiaqatigiinni isummersorfigineqarlutillu oqallissutaasinnaasariaqarput, pisortat suliassaataat pillugit nunattalu naalackersuinikkut aqunneqarnera pillugu inuiaqatigiit ammassumik isertuaatsumillu oqallissinnaaner at pingaartutut isigigatsigu. Taamaattumik nunatsinni nunattalu avataani tusagassiorfitsigut Naalakkersuisunut apeqquteqaatit akissutaallu inuiaqatigiinnut tamanut ammasumik saqqummiunneqartarmata Inuit Ataqatigiinni nuannaarutigivarput, Naalakkersuisunut apeqquteqaatinut akissutaannullu inuiaqatigiit nalilersuillutillu ammasumik oqalliseqataasarmata.

Inatsisartunut ilaasortatut siunnersuuteqartarpugut. Siunnersuusiordermi ilusiliinissamut Inatsisartut Suleriaasiat naapertorlugu aaliangersimasumik malitassaqaarpugut. Inatsisartunut ilaasortatut siunnersuuteqarnermi piumasagaataasut ilagivaat Naalakkersuisunut apeqquteqaasiorsimanissaq minnerpaamillu apeqqutit akineqarsimanissaat. Inatsisartunut ilaasortatut siunnersuuteqarnermi inuiaqatigiinnut, pisortanut namminersortunullu aningaasartuutaasussat tunngavilersorsimasariaqarput. Tamannalu suliassaavoq annertoq

INUIT ATAQATIGIIT

Inatsisartuni



pinngitsoorneqarsinnaanngitsorlu. Taamaattumik siunnersuutit tunngavilersorluakkat piffissamik nukinnillu annertoorujussuarmik tiguisinnaasarput allaffissornermillu annertuumik pilersitsisinnaallutik.

§ 37 malillugu apeqquteqartarnermut suleriaatsip erseqqissarneqarnera

§37 malillugu apeqquteqartarnermut suleriaatsip ersarissarneqarnissaa Inuit Ataqatigiit tapersersinnaavaat. Naalakkersuisunut apeqquteqaatit aaqqissuulluagaallutik, torersumik eqaatsumillu inatsitigut toqqammaveqartariaqarput. Taamaattorli §37 malillugu apeqquteqartarnermut Naalakkersuisut akissutissamik tunuartitsisinnaanerisa periarfissaalernissaa pissusissamisoortutut isiginngilarput. Naalakkersuisunut apeqqutit akineqarsinnaasut tamarmik akineqarsinnaasariaqarput. Inatsisartunut ilaasortaq pisortat suliassaataat pillugit qaqugukkulluunniit paasissutissinneqarnissaminik pisinnaatitaaffeqartariaqarpoq, pisinnaatitaaffik tamanna killilersorniarneqassanngilaq.

Siunnersuutip aappassaaneerneqannginnerani Suleriaaseq Pillugu Ataatsimiititaliamut innersuupparput – kaammattuutigalugu Inatsisinut Ataatsimiititaliaq ikiorsiunneqassasoq inatsisillu paasilluaqqissaarneqarnissaat anguniarlugu nassuiaatitsisoqarnissaa anguniarneqassalluni.